

| Arkiv | Saksbehandlar | Møtedato | Sak nr. |
|-------|---------------|----------|---------|
| | Knut Øyjordet | 15.03.18 | 9/18 |

SØKNAD OM BÅTBRYGGJE VED SKYTNINGEN – INGEBORGB LØVENSKIOLD*Saksdokument:*

E-post frå Statskog av 02.02.18 med vedlegg.

Saksutgreiing:

Statskog har sendt over til uttale ein søknad frå Ingeborg Løvenskiold, som søker om å få ha ståande ei bryggje utanfor hytta si ved Skytningen. Bakgrunnen for søknaden er at Statskog i samband med forlenging av festekontrakten for hyttefeste, har vorte kjent med at det er bygd ei bryggje der. Statskog skriv i brevet til Løvenskiold at slike tiltak er søknadspliktig i forhold til grunneigaren, og kommunen som forvaltar av plan- og bygningslova. Løvenskiold skriv m.a. i søknaden at bryggja vart bygd for fire år sidan, og at den er 1,7 m lang, 1 m brei, står 30-40 cm over vatnet, og utan rekkverk. Ho skriv at ho aldri har hatt noko naust (har festekontrakt på hytte med naust), men behovet for ei lita bryggje har vorte aktuelt med åra, både når ho skal ut i robåt eller bade. Det er elles opplyst at mange fiskarar står på bryggja.

Vurdering:

Det er nok ein del bryggjer i statsallmenningen som det truleg ikkje er søkt om løyve til å byggje. Dette gjeld spesielt på Heimfjellet, som t.d. ved Lemonsjøen og Veslvatnet. Dette er tidlegare gjort kjent for Statskog og kommunen. Sidan det nå blir stilt krav om søknad ang. den aktuelle bryggja ved Skytningen, så bør Statskog i samarbeid med kommunen ta ein gjennomgang av slike installasjonar og stille krav om søknad, i alle fall for nyleg bygde bryggjer, og sjølvsagt for heilt nye. Og det bør gjerne bli utarbeidd retningsliner for kvar ein eventuell kan godkjenne oppsetting av slike, og med utforming osv.

Den aktuelle bryggja ved Skytningen ”ruvar” ikkje i terrenget. Den er ikkje til hinder for allmenn ferdsel langs vatnet og fisking frå land. Difor bør søknaden bli innvilga.

Innstilling til vedtak:

Fjellstyret viser til saksutgreiinga og har ingen merknader til at Ingeborg Løvenskiold får løyve til å behalde bryggja ho har bygd opp utanfor hytta si ved Skytningen. Fjellstyret meiner dette er ei enkel og lite ”ruvande” bryggje, og som ikkje er til hinder for allmenn ferdsel langs vatnet, inkludert fisking. Det bør setjast vilkår om at det ikkje blir gjeve noko løyve til utviding og heller ikkje å byggje på noko rekkverk, samt at bryggja må fjernast dersom det ikkje lenger er behov for den.

Sidan Statskog nå krev søknad for denne bryggja, og for å få ei likebehandling, så meiner fjellstyret at Statskog og kommunen nå må ta ”ei runde” angåande bygging av båtbryggjer i statsallmenningen. Det er i seinare år registrert oppføring av bryggjer ved fleire vatn, som t.d. Lemonsjøen og Veslvatnet som det truleg ikkje er søkt om, noko som både Statskog og

| Adresse | Telefon | Bankgiro | E-post |
|--------------------------|-------------|---------------|----------------------|
| Postboks 16 2684 VÅGÅ | 61 29 37 37 | 2085.25.13625 | vaga@fjellstyrene.no |

kommunen er kjende med. Dessutan er det viktig å gå ut med informasjon om at slike installasjonar er søknadspliktige. Dette for å unngå bygging av bryggjer i ”god tru”.

Vedtak:

Samrøystes: Som innstillinga.

Rett utskrift. Går til:

Statskog

Kopi til:

Vågå kommune

Vågåmo, 15.03.18

Knut Øyjordet (e.f)

| Adresse | Telefon | Bankgiro | E-post |
|--------------------------|-------------|---------------|----------------------|
| Postboks 16 2684 VÅGÅ | 61 29 37 37 | 2085.25.13625 | vaga@fjellstyrene.no |